

SENTENTIA SUPER PRÆCEDENTIA.

CHRISTI NOMINE HUMILITER INVOCATO.

NOS FRANCISCUS TAGELL PRESBYTER, Decretorum Doctor, Canonicus Sanctæ Ecclesiæ Barchinon. Judex Delegatus Apostolicus à Sancta Sede Apostolica specialiter deputatus. Viso prælenti Processu, & signanter visis Litteris Apostolicis à Sanctissimo Domino nostro Benedicto XIV. quintodecimo Kalendis Septembris anno millesimo septingentesimo quinquagesimo septimo, sui vero Pontificatus anno xvii. Cum quibus Nobis una cum aliis, ac in solidum præcipere dignatus fuit, quatenus vocatis vocandis Causam, & Causas quæ in prima instantia coram Ordinario Tarraconen.; in secunda coram Illustrissimo tunc Hispaniarum Nuntio vertentes inrer Reverendum Doctorem Josephum Vilanova Beneficiatum Ecclesiæ Parochialis Villæ de Fallét Tarraconen. Diocesis ex una; & Rectorem, ac Presbyteros Beneficiatos dictæ Ecclesiæ de Fallét super præcedentia in Choro, aliisque functionibus, quam & quas in tertia instantia continuare prætendunt cum omnibus suis insidentibus, dependentibus, emergentibus annexis, & connexis totoque negotio principali, auctoritate Apostolica audiremus cognosceremus, decideremus, finire debito terminaremus summario, prout in dictis Litteris latius continetur; quæ Litteræ die septimo Septembris prædicti anni millesimi septingentesimi quinquagesimi septimi, instante Procuratore dicti Reverendi Doctoris Josephi Vilanova fuerunt nobis legitime præsentatæ instanteque ipso Procuratore, atque requirente præfatas Litteras debita cum reverentia acceptavimus, & promptos atque paratos ad eas debitæ executioni mandandas nos obtulimus Apostolicis, ut par est, parendo Mandatis, atque Litteras citatorias opportunas expediri mandavimus juxta stylum, quæ expeditæ, & debite Partibus notificatæ fue-